

度

支

奏

議

度支奏議目錄

新餉司二卷

循例預徵遼餉疏

題覆北直河南減派米豆草束疏

覆津部題議遼幫攔阻津米疏

覆登撫督師臺省覈定東江餉額疏

題請先補一半帑金疏

覆大同暫停抽扣優免疏

題請解進田爾耕變產贓銀疏

考覈山海餉司王建侯疏

乞勅覆議再減東江額餉數

題覆工部郎中吳炳稅契充餉疏

題覆臺臣劉學詩劉調羹免派核餉疏

題覆錢法孫侍郎條議錢法疏

查議遼東舊餉京民二運疏

請寬原用崔犯變產銀兩免還工部疏

題覆畿南派買米豆減數增給疏

度支奏議卷之二

太子少保戶部尙書溫青畢自嚴視草

循例預徵遼餉疏

題爲遼餉萬分匱乏循例申明預徵懇乞

聖明勅令省直作速徵解以濟軍需以佐撙伐事專
理新餉山東清吏司案呈到部該臣等看得關
寧額餉出浮於入從無足用之時年來皆係新
舊那趨多方補湊卷查天啓六年并天啓七年
俱將次年加派地畝銀兩預徵十分之三接濟

軍需冬春斷續楚界極遠及冬之呼全無預備
於此節奉

欽依已爲成例天從前兩年省直尚有續完續解楚
舊逋而雜項錢糧亦接踵而至臣部猶覺不足題
請預徵至今則天啓五年以前之舊逋悉蠲且停矣
兩年以內所欠之雜項又顯望以抵今歲缺額
矣春正饑軍希冀更切餉一斷絕何計支持况督
師尚書袁崇煥疏定崇禎二年關寧歲餉以四
百八十萬爲額責成臣部預先積貯按月待支

不能少遲時刻見今關軍與各鎮積欠銀兩方
補從前又欠向後而省直起解尙不知應手若
何今冬之局正苦難結則正月額餉誠有不得
不預爲之計者合無照依往例請將崇禎二年
加派地畝銀兩查照糧多戶大之家俱以文到
日爲始預徵十分之三卽便隨徵隨解仍照道
路遠近定立期限最近者限正月內稍遠者限
二月中旬極遠者限二月末旬起解到部益民
間物力止有此數追其舊勢不得不速其新

部應爲請蠲免請俟徵以便宜之機不無難處
臣部歲入亦止有此數緩其舊額不得不急其
新省直自應先時而徵隨呼而應以湊臣之難
輸於外也若舊逋已付之不問新徵復誘之難
前臣部將以何者應督師之求飽軍士之腹觀
諒省直諸臣定不敢以預徵舊例視爲年來格
套致悞封疆之事而負

朝廷蠲租之恩也若地方最近如河南山東山西等
處爲呼吸相通之地年來榆關緩急倚賴實殷

引領預徵銀兩爲正月用者頗於三省有厚望焉倘來歲省直各官果能先期解到自應特題紀錄以示激勸如仍泄泄從事過期不解卽照近日督師題

准會同督餉御史叅罰之例臣部指名咨會以白簡從事勢惡情迫省直亦不得謂臣部之苛也恭候

命下臣部行文各該撫按司府衙門遵奉施行

崇禎元年十一月初五日具

題本原稿卷七日奉

聖旨朕蠲免舊逋專爲併力完新道新餉預征士夫
三卽行該省直作速開徵遵限起解如過限不解
卽便指名摘叅併罪及撫按亦不許加徵火耗
困小民如違決罪不宥該衙門知道欽此

題覆北直河南減派米豆草束疏

題爲災黎不堪遼運召買尤能足餉謹因津撫之
成議再求

天語之申

初事專理新餉山東清吏司案呈崇禎元年十月十
二日奉本部送戶科抄出保定巡撫解經傳題
前事等因本年十月初九日奉

聖旨該部酌議具覆欽此又該巡按直隸監察御史
甯光先題同前事等因奉

聖旨覽奏通糧雜買具悉小民苦累該部具覆欽此又該部
體恤所請召商良是該部酌議具覆欽此又該部
按直隸監察御史陳睿謨題同前事等因奉

聖旨該部知道欽此又該河南巡撫丘兆麟題爲
生凋瘵堪憐輸納本色惟艱懇乞

聖明准復舊例以甦予遺以裕

國計事等因奉

聖旨戶部確查舊例具奏欽此又該巡按河南監察
御史張鑛題同前事等因奉

聖旨已有旨了該部知道欽此
案查先該行人司行人崔及第奏爲恢復大計宜預邊民偏累堪憐
謹據愚忠以奠邦本以振軍聲以勵人心以勦
廟謨事等因奉

聖旨這五款切中東事肯綮如恢復美談須先有必
勝之着方可邊民招買賠累或本地或委官着與
議處將官須曾經戰守有功者方許擢用鑽求的
叅來重處大將不宜多設迺將不許濫敘屯法專
官管理俱着實申飭行戶兵二部知道欽此欽遵

通抄到部送司案呈到部該臣等看得

畿輔郡邑護擁

神京中州咫尺策應緩急皆當休息愛養以舒民力者也無奈遼餉亟需本色召買卒不可停致保定與河南撫按皆爲民請命行人崔及第目擊桑梓之苦備述情形不啻痛哭流涕臣爲之多方商確於萬不得已之中爲酌量裁減之計如畿南六府元年派米豆五十萬石今預計疏中止派米豆三十一萬三千四百二十石實減

派米豆一十八萬六千五百八十石如河南舊
歲原認改納本色八萬九千七石七斗零今元
年海運幸已事竣合應全與蠲免照舊例起解
折色至於津部預計疏內派開封府三萬石則
舊歲未經認納者派懷慶府二萬五千石該省
疏稱出二百里之外久在應豁免之列者臣俱
不敢懸爲坐也止彰德府津部原派買米二萬
五千石今量減爲一萬八千石衛輝府津部原
派買米二萬五千石今量減爲一萬二千石

兩府於舊歲已曾議稱本邑庫帑無如以
而亦不敢多加以致累卽云陸路較難然數周
甚約權宜以贍一時之用可也如永平府元金
附關召買豆一十八萬一千八百石今止派
萬三千一百石實減派豆九萬八千七百石
年永鎮買草一百八十萬束今止派一百萬
實減派草八十萬束臣部所爲裒多益寡以
皇上恤民之心而答省直望

思之意者亦已不遺餘力矣至於津門召買雖

諄諄以昔年殷鑒爲辭而臣亦派買將近寸歲
不敢減也倘不肖有司如保定撫臣所云展限
而稅徑歸私窠者則撫按有白簡在倘交納處
如保定撫臣所云暗通船戶橫賄鄉愚扛幫津
差需索瓜分者則津部有三尺在仕飭之於蠶杜
之於微是在諸臣猛力圖維而懲創之可耳旣
各具題前來相應覆

請恭候

命下行文各該督撫巡按衙門遵奉施行

崇禎元年十一月初五日具

題本月初十日奉

聖旨是欽此

覆津部題議遼幫攔阻津米疏

題爲南來津米多爲漕舟閘口所阻懇乞

明旨嚴飭放行更

賜立法先期買運以毋誤軍糈事專理新餉山東清
吏司案呈崇禎元年十月十二日奉本部送戶
科抄出督餉部院崔爾進題前事等因本年十
月初九日奉

聖旨津糧漕糧總係公事着漕臣嚴飭漕幫無得攔
阻新糧先期召買務及漕舟前起運戶部卽與覆

行欽此又該督餉御史錢士貴題同前事等因奉

聖旨已有旨了該部知道欽此欽遵通抄到部近前

案呈到部爲照關寧命脉仰給津糧而海運繁
濤爲期更促故必發運於漕糧未啓之先催糧
於漕幫阻塞之候始足以克飛輓而實軍需今
督餉部臣崔爾進督餉御史錢士貴以廬鳳淮
揚四府所運遼米惟淮安府米三萬石因知府
董允升先期料理委官朱良臣陳奇策曲希文
又俱守法船皆堅固米皆精好先已到津毫無

掛欠此外三府之米與漕船遇官旗阻塞不肯讓行而前幫捱過後幫復阻則咫尺之程如隔千里安能飛渡以副津門艤舟待運之急也兩臣身膺餉務合詞上

請爲將來善後之策誠屬苦心嗣後應如餉臣議廬鳳淮陽四府照臣部覆定預計崇禎二年米數不拘何項錢糧務於先一年十二月中買完待後徵補銷筭漕艘未行卽將船隻水脚修完務於二月中運發則遼米自先漕幫自後舳舻魚

貫可免爭端而關寧一飽攸賴之矣至鳳陽
府產米不同從便糴買不必闔府一色因土宜
民完運自速均應依議以速明春之運者也若
漕幫爭道開口攔阻棍徒索詐津部業已奉
旨通行禁戢無容臣部之再贅矣既經會題前來相
應覆

請恭候

命下臣部移文鳳陽巡撫并咨都察院轉行巡按御
史備行所屬廬鳳淮揚等府一體遵奉施行

崇禎元年十一月十二日具

題本月十五日奉

聖旨是明歲廬鳳揚三府遼米再壓漕幫之後罪坐
見在府官董允升還與紀錄該衙門知道欽此

覆登撫督師臺省覈定東江餉額數疏

題爲封疆關係甚大閫外寄托匪輕伏乞

聖明立賜斧斷事專理新餉山東清吏司案呈崇禎
元年八月十七日奉本部送戶科抄出原任登
萊巡撫孫國禎題前事等因本年八月初七日
奉

聖旨覽奏東江兵數二萬八千與前開十五萬雖已
相懸還再酌量發餉王廷試准加銜久任該部知
道欽此該本部備咨移會督師兵部戶科兵科餉

院各衙門酌量去後隨奉本部送在關軍營
尚書袁崇煥各覆前事內開東江一旅於榆關
爲犄角之勢東西面奇正相生牽制出奇互相
爲用者也兵將之多寡營伍之布置本部院今
方從關內外做起該鎮兵馬尚煩量力度勢以
更定以兵設官兵應定額則官亦應定員今且
照該道裁定二萬八千汎餉每兵照關寧一月
銀一兩四錢米一斛歲該銀十六兩八錢米六
石二萬八千名共該銀四十七萬零四百兩米

一十六萬八千石又奉本部送准兵部咨覆前
事該兵部題內照東江之師原備牽制之用自
兵無定數致餉無定額而任事之心且掣于議
事之口久矣今登撫業遣道臣親自渡海逐一
踏勘裁定實兵二萬八千卽督師袁崇煥雖未
身履其地而彼中虛實業已備知謂此路之兵
斷所當用二萬八千斷不可少則封疆之事決
之封疆之臣而定矣然猶有說焉毛帥身在東
江實與榆關相犄角今兵餉既定則進取可資

必自此而搗掃奴穴自此而恢復河東則斯報

皇上之恩可以答督師之望而從前悠悠之口將爲
頓雪若徒曰牽制已也則非毛帥之所以自爲
計矣至於計兵定餉督師斟酌已定無俟臣部
之贅也等因奉

聖旨東江餉額照督師議行一切棍商借事作功名
的俱着嚴加汰斥兵餉旣足進取有資毛文龍須
竭力自効共圖恢復弗第以牽制畢責該部傳與

他知道欽此咨會到部又准戶科署科事左給事中李覺斯手本前事內開東鎮官兵原開一十五萬故議給本折餉共一百萬今旣清汰核定二萬八千則較之十五萬數不及五分之一矣計兵給餉貴部自有定額無容再議矣又准兵科署科事右給事中陳良訓手本前事內開東江一旅原以十五萬報今彼中道臣親歷海外查核報兵二萬八千則兵五分之一耳按兵筭餉餉亦止宜五分之一似本折二十萬足矣督

師谷覆銀四十七萬零四百米一十六萬
其無尚浮於數而猶以

朝廷金錢徇耶至云竒正相生牽制互用則奴賊輕
弓短箭視東江旁若無人者幾矣其安在犄角
出奇而軍士必厚糈乎事理了然惟貴部自有
從長酌妥增損又准督餉御史錢士貴手本前
事內開島兵之虛冒久沸朝議今該道親歷海
外核定二萬八千則原之十五萬何若焉兵額
旣十去其八則餉額當視兵爲減此事理之直

捷易見而亦貴部所云輿論僉同者也若云此
例於關寧恐開別鎮效尤之端實未見其可惟
前此爲空名之兵今此作實在之兵則

明旨所云酌量發餉貴部自有定裁也各等因到部
案查先該工科給事中王夢尹題爲謹剖海外
之見聞用佐盈廷之公議伏祈

聖裁以無悞封疆事等因奉

聖旨據奏海外窮島旣經開墾軍民人等尚苦枵腹
該科徃來見聞甚真楊國棟揭報土地荒蕪米豆

港爛抑何情形懸殊若此着作速移文登撫及貴
邦查鉄山等處屯住若干并國棟所開旅順諸島
先經散亡及見在遼人若干從實報部以聽覆核
該部知道欽此又該平遼總兵毛文龍奏爲一口
擔當遼事非欺一頓輸發額餉須亟懇祈早專
責成蚤圖結局事等因奉

聖旨據奏擔當結局具見忠義該鎮勞苦海外朕甚
念之目今內地糧餉俱已陸續解發况海天寥闊
豈易一頓而至但當嚴禁運官浸漁務令饑軍果

腹至於兵額幾何用餉幾何該鎮還具數開報以
待進取齊發之命該部知道欽此又該原任登萊
巡撫孫國楨題爲敷陳未議以圖進取以固封
疆事等因奉

聖旨酌定東江兵額已有屢旨况百萬折色竟無實
數以致索取甚急移動實難殊非事體各島旣多
沃壤招諭汰歸遼人開懇最爲全利其修築旅順
南関添設沿海遊兵及朝鮮貢道以迂迴爲長策
俱着確議具覆兵部知道欽此又該兵科給事中

張鼎延題爲

天開聖明邊疆多故敬陳兵食勦撫事宜以裨安撫
廓清大計事等因奉

聖旨覽奏之黔情形各異當相機籌守勦之策閩浙
先足食宣大先省兵東江湏得人清核兵餉朕既
委該督撫等官權不中制第以賞罰隨其後各官
務着實行丹字錯寫着改正行該部知道欽此又
該河南道御史范復粹題爲海外兵餉宜核奉
旨往查宜確更祈

聖明嚴諭以重封疆以終牽制事等因奉

聖旨海外宜額兵給餉頗屬掄獎良法俟道臣王廷
試回日覆奏行登郡不許加派遼餉遺累小民如
違巡按御史及科道官不時糾叅重治毛文龍虛
糜歲餉報國安在着回將話來該部知道欽此又
該東江餉司黃中色奏爲查核海島兵數據寔
開陳仰祈

睿斷勉效愚忠以靖厥職事等因奉

聖旨海島兵數尚未確然着速酌定應存實數以便

發餉該部知道欽此欽遵通抄到部通送到司案
呈到部該臣等看得東江之後八年於茲蠢爾
奴酋若不知有所謂牽制者乃其兵以十五萬
爲名餉以本折百萬爲額非舉

朝累牘叩

闡道臣楊帆出海倭口虐張終何紀極今兵旣核實
以二萬八千報矣餉之增損實臣部事然臣不
敢專也移文督部科院務期輿論僉同據科院
議則謂減餉之數當視其減兵之數據督師議

則謂榆關犄角互相爲用宜照關寧例每兵一月銀一兩四錢米一斛歲該銀四十七萬零四百兩米一十六萬八千石臣部正候兵部回咨具覆乃兵部已先臣部入告業奉

俞旨餉額照督師議行矣第餉額增損之數人人知之而餉中虛實之故則惟臣部獨知之案查天啓七年六月內以內監胡良輔請增東江糧餉臣部覆

准本折百萬之數除山東之加派等項六十三萬一

千餘兩并漕糧十萬石外再補本色二十萬石
此二十七萬之價止坐以復徵青登萊海運免
銀一十一萬七千六十一兩又復徵鄒滕妖亂
銀二萬八千六百八十七兩共銀一十四萬五
千七百四十八兩夫一十四萬有奇之銀豈能
運二十七萬之本色不過還其本色二十七萬
之名權湊足百萬之數塞其無厭之求耳且山
東加派等銀六十三萬一千餘兩又非確確專
爲東江用者也登兵月餉二十萬亦在其中緣

內監將登營之兵四千餘員名隨帶出海故原
疏云東江并登營兵餉成爲一體而登兵月餉
俱在本折百萬之內矣且山東雜項等銀又非
確確如部額者也據該省申文又有虛懸無抵
銀四萬有奇矣督師所議旣計口而授之食此
外有天津運價之四萬七千五百兩焉有浙直
營兵遼官南官之四萬三千餘兩焉昨歲

皇賞之十萬與沙唬船水手工食之一萬四千七百
一十一兩一錢皆取足於中昔日所派之數原

虛今日所省之數愈少矣臣固不敢過爲裁減
以掣督師應援之肘亦不能不爲裁減以示

朝廷樽節之意每兵一月議銀七錢米一斛值銀六
錢本折共一兩三錢較之關門雖若不足例之
各邊似爲有餘歲該銀二十三萬五千二百兩
米一十六萬八千石較督師原議量減銀二十
三萬五千二百兩漕米每石運鮮水脚銀四錢
一分東省買米每石運鮮水脚銀止一錢七分
今議漕米之十萬石撥二萬以運關門而登萊

運米仍於八萬石外再令買米八千石以足本色十六萬八千之數歲可損銀八千二百兩止該運價三萬二千八百兩原額布足花紅蓆片等銀共該六千五百兩今兵糧旣減則花紅等項俱減應損銀一千八百兩止該銀四千七百兩浙直營兵姓名已載冊中無容再議遼官南官額俸舊該三萬二千九百三十八兩今兵裁則官亦應裁量給以一萬兩足矣統計東江每年折餉該銀二十三萬五千二百兩本色除漕

米八萬石外該登萊米價運脚價銀六萬七千七百六十兩益以官廩運價布價等項四萬七千五百兩歲該銀三十五萬四百六十兩除登兵已回登防汎舊額餉銀二十萬又除虛懸銀四萬有奇尚可餘銀一十八萬六千二百八十八兩奏入督師四百八十萬之額蓋全以輿馬爲遼也省以濟遼亦爲遼也皆督師所樂聞而必不以異同起見者也至於登兵餉銀之二十萬尚有可議蓋揆理度勢奴酋定不能舍騎從

舟侵擾登萊况登撫旣撤新兵安屬且先經裁汰一次於二十萬內已報裁銀六萬六千餘兩豈容一槩混冒

皇賞十萬原奉

旨云速咨登撫會同東江餉司查兵數的係若干具奏以便速發賞銀臣部覆疏亦云十萬之賞尙當有餘卽仍爲餉今兵旣止二萬八千則賞亦應五萬六千所餘四萬四千皆應算入今日之新額以抵元年之折色者也若夫沙唬船水手

銀兩事止一年原非永例始於額餉之外准與
開銷倘毛帥果能於二年以內出奇恢復收效
桑榆臣部費餉如許亦何足惜若流連觀望依
然如昨臣部不能復爲毛帥計而亦非毛帥之
自爲計也伏乞

勅下臣部移文各該衙門遵奉施行等因崇禎元年
十一月十八日具

題本月二十一日奉

聖旨是這覈定東江兵餉通官俸布疋花紅廩餼運

價每歲該銀三十五萬四百六十兩米十六萬八千石海島涉遠湏先期措發接濟不得稽遲毛文龍宜從新策勵實圖報効不得但以牽制虛聲藉口塞責登餉二十萬登撫已報裁六萬六千餘兩着該道查明扣支勿得混冒皇賞餘銀四萬四千兩其光元年折色俱如議行該衙門知道欽此

題請先補一半帑金疏

題爲外解尚未充盈

帑金不敢遲補謹先解一半以荅

天恩事臣於十月初五日題爲京運三月不敷懇乞
亟題以甦軍困以奠危疆事奉

聖旨內帑全未贏餘撥括十萬兩發充新餉外解到
日照數補進刑部見追贓銀開報實數一併湊發
你部通行各省直嚴催外解有仍前延緩的將撫
按官指名叅處諱字錯寫改正行欽此臣遵於十

月初八日差本部管理新餉銀庫主事薛邦瑞
領解關寧月餉訖竊念臣度支無術遼左急呼
仰厪

聖懷致臧

御前供奉以濟急需愚臣感戴之私悚仄之意月來
未敢寧處也原疏開載外解預報欸目日望驟

集遵

旨照數補進及查庫收銀兩除彙彙預報起解十四
萬兩止解到六萬前已於

召對之日奏發關寧月餉外浙江報解十二萬今止
解到八萬五千提催山東島餉二十五萬今止
解到五萬及查自十月起至今止通將

帑金贓銀外解接續給發寧遠鎮共發過月餉等
銀三十三萬二千三百九十四兩一錢五分山
海鎮連扣抵并庫發共發過月餉等銀二十二
萬二百八十兩八錢一分又草價銀十萬兩儘
臣督催所入查覈所到隨到隨發隨查隨扣僅
得此數亦已不遺餘力矣然通融打筭關內十

月之餉幸已扣抵給發明白而關外十月之餉
尚欠四萬時正亟催外解續發則以去年之積
欠皆取辦於今日而從前之找補盡補塞於一
時也至於薊密永津之餉臣部百方那湊自十
月初起發過庫銀一十三萬八千九百有奇創
發過

制錢一十二萬五百有奇然所入有限所出無窮積
欠叅差尚未能刻期填滿惟是

帑金一日未補則蟻懷一日未寧謹差本部管理

新餉銀庫主事薛邦瑞權將江西解到銀二萬
兩山東解到銀二萬兩鳳陽解到銀一萬兩共
銀五萬兩解補

內庫其未完銀五萬俟外解再到補進伏乞
勅下該庫照數查收施行

崇禎元年十一月十九日具

題本月二十二日奉

聖旨這補還帑銀五萬兩着內庫照數查收欽此

題覆大同暫停抽扣優免疏

題爲虜患災祲並至邊民困苦難堪懇乞

聖明俯免加派抽扣以蘇子遺以安人心事專理新
餉山東清吏司案呈崇禎元年十一月初三日
奉本部送戶科抄出大同巡撫張宗衡題前事
等因本年十月三十日奉

聖旨大同衝邊要地且又被災與內地州縣不同所
請暫免加派抽扣優免數復不多該部卽行酌議
具奏欽此又該巡按直隸監察御史葉成章題同

前事等因奉

聖旨已有旨了該部知道欽此欽遵通抄到部正具

覆聞復於本年十一月十一日接山西巡撫耿
如杞揭帖內稱加派遼餉本年額該三十一萬
八千有奇未到年終已經通完足額又催本年
雜項銀四萬二千一百有奇起解所欠雜項爲
數不多俟催完另解等因各到部送司案呈到
部該臣等看得宣雲劫運奏集一時忝苗立稿
於蘊隆士女虔劉於兵革該鎮撫臣爲民請命

乞將加派地畝抽扣優免銀兩暫停免徵誠非
得已臣部以遼餉缺額正費躊躇而該省撫臣
續報加派銀兩通完足額初以恤民而求寬繼
以急公而速解益見兩撫臣之真心爲

國而該藩司之繩勉從事也至於抽扣優免等銀
據稱雲鎮該銀三千六百二十兩有奇令照該
鎮撫臣所請暫停免徵寬至來歲春夏之間陸
續解進可耳臣非不知緩一分便減遼餉一分
之額第以衝邊要地被災與內地州縣不同且

加派之額已完雜項之數不多故不得不
寬假若此外省直已經奉有

明旨不許擅自具題請留開州縣觀望之端且天啓
二三四五年新經蠲停亮無有敢於忘情封疆
再援例以瀆

聖聰者矣既經會題前來相應覆

請恭候

命下臣部移文各該衙門一體遵奉施行等因

崇禎元年十一月二十日具

題本月二十三日奉

聖旨大同衝邊被災且加派已完所議暫免抽扣依
議行再有援例者不准欽此

題請解進田爾耕變產贓銀疏

題爲仰遵

明旨解進贓銀事專理新餉山東清吏司案呈卷查
先該天津督餉部院崔爾進題爲津兵六月無
糧脫巾可虞懇乞

聖明憐憫特留逆贓及房產變價銀兩以救目前事
等因奉

聖旨津兵六月無糧深軫朕懷傳應星逆贓准留充
餉該部仍上緊接濟不得遲延田爾耕變價銀兩

着解京以備緩急欽此各件聞又該本部題稱
餉運價并訛軍需補奏無術謹陳通變接濟之
方以無悞封疆事等因奉

聖旨島餉准支三十萬兩接濟關門其運價五萬兩
卽於內扣給由爾耕變價還遵前旨解京該部卽
催去欽此隨該本部備考天津部院催取去後續
准天津部院咨爲敬明職掌以便查解錢糧事
內稱本部院雖曰巡撫天津其實於本地方軍
民錢穀刑名等項一毫不得干預先欽奉

勅書內云錢糧詞訟額例事規或拖欠未完或卷案未結仍聽保定巡撫管理及查田爾耕沒產原係保定撫院行道府估計則前項銀兩之完欠解否俱未敢越俎而問也等因到部送司復該本部備咨保定巡撫催解去後隨該河間府差官解銀前來案呈到部爲照欽犯田爾耕一案沒入贓銀初因津部題

請留作天津兵餉奉

旨解京以備緩急臣部已咨行津部矣繼蒙

皇上召對

臣諭田爾耕贓銀自七月內着令解京如何尚未解
到臣欽承

天語靡敢怠違復行咨催津部及接津部回咨而後
知前項銀兩原未解津尚當問諸保定撫臣也
臣隨備咨亟催今已解銀入都矣據河間府任
丘縣申解變完籍沒田爾耕房屋等項價銀五
萬九千四百三十五兩五錢三分四厘又河間
縣變完籍沒田爾耕房屋等項價銀五千四百

五十六兩一錢四分二厘以上三縣共變銀本
萬四千八百九十一兩六錢七分六厘俱傾銷
成錠各差該縣縣丞王家相孟養浩管解前來

臣謹遵

旨卽令解官王家相孟養浩照數解進伏乞

勅下該庫查收施行

崇禎元年十一月二十一日具

題本月二十四日奉

聖旨這解到田爾耕贓銀着內庫照數查收其餘各

處房產等項着該撫按細查開奏不得和稀泥

欽此

考覈山海餉司王建侯疏

題爲考覈司屬官員事專理新餉山東清吏司案
呈奉本部送據專理山海新餉駐劄撫寧署郎
中事主事王建侯呈前事內開本司奉差理餉
山海遵於天啓七年八月十七日到任管事所
有任內收放錢糧已經逐月攢造簡明細冊呈
報各衙門抄傳通國及季終登報循環各營領
糧道鎮掛號冊領卷宗彙解本部查考今當
奏繳例應聽候本部考覈合將任內經手收放錢

糧總數及樽節各項銀兩一併呈報
天啓七年八月十七日到任起至崇禎元年九
月二十六日交代止收過帶部事關內道王兵
備交代貯庫銀併收京運糧草鹽菜銀召買草
豆價及本司清查還官積出羨餘節省公費通
共銀一百四十五萬九千二百三十四兩六錢
八分六厘四毫八絲內一收前任帶部事王關
內道交代存庫銀四萬八千三百二十六兩七
錢七分八厘七絲八忽一收京運糧草鹽菜銀

一百一十一萬五千一百六十九兩五錢二分
一厘二毫一絲八忽一收部劄四次永平府解
到銀六千五百八十三兩六錢三分二厘一毫
八絲四忽一收內鎮原貯海運廳採青還官等
銀二萬七百一十六兩三錢一分五厘一收部
劄存剩

皇賞銀四百六十一兩五錢一收召買草豆價銀二
十二萬一千三百七十三兩三錢一收借放海
運廳原貯題留草豆價銀四萬三千兩一收本

司清查出還官銀三千六十七兩一錢四分
收本司逐月放出羨餘銀三百六十七兩五錢
一收本司節省公費銀一百六十九兩開除天
啓七年八月十七日到任起接放八月分錢糧
至崇禎元年七月止放過道鎮掛號過冊領六
百二十九宗共放過官兵馬匹糧草船稅公費
工食并發海運廳召買草豆價銀一百四十二
萬七千三百五兩一錢六分二厘六毫四絲八
忽內一放過各營月餉馬乾鹽菜船稅等銀共

一百一十八萬三千八百一十三兩八錢六分
二厘六毫四絲八忽一發海運廳召買豆價銀
七萬一千三百七十三兩三錢一發海運廳召
買草價銀一十萬九千一百一十八兩一發寧
遠行糧豆價銀二萬兩一發補海運廳原借題
留豆價銀四萬三千兩實在崇禎元年九月十
三日候代止存庫銀三萬一千九百二十九兩
五錢二分八厘四毫九絲四忽天啓七年八月
十七日到任起至崇禎元年七月終止一批發

過米三十五萬一千五百一十三石四斗五升
七合四抄一八月候代續批發過米三萬一千
六百六十八石四斗八升九合九勺一批發過
海陸二運豆一十五萬五千九百一十一石四
升八月候代續批過豆九千二百八十八石一
斗七升一批發過陸運草一百八十萬八百五
十八束以上本折錢糧收放總數俱備造清冊
交代閩郡中訖外本司逐月清查出還官并積
出羨餘樽節公費及節省採青草豆價銀通共

一十四萬六千七百七十四兩四分三厘內六
本司天啓七年八月十七日到任起至崇禎元
年七月終止放出餘銀三百六十七兩五錢一
本司天啓七年八月十七日到任起至崇禎元
年七月終止陸續清查過還官銀三千六十七
兩一錢四分一本司節省公費銀一百六十九
兩一本司節省草豆價銀八萬六千六百三十
七兩六錢具呈本部題留在庫見奉本部題動
五萬兩又召買一萬兩見存二萬六千六百三

十七兩六錢貯海運廳庫一本司
青犒賞剩下銀二萬一千五兩三錢七分具呈
本部抵放月餉馬乾鹽菜訖一本司清查馬匹
節省存剩下未買草價銀三萬五千五百二十
七兩四錢三分三厘見貯海運廳庫一本司放
剩下在廠并各州縣未運草二十七萬三千三
百五十一束可抵元年冬春召買之數一本司
放剩見存豆共一十一萬八千八百四十九石
九斗七升四合一勺內見存陸運豆一萬三千

九十三石一斗三升二合四勺州縣未運豆三萬五千五百六石八斗四升一合七勺永鎮未運豆四萬石薊鎮未運豆一萬七千六百七十五石見存海運豆一萬二千五百七十五石可抵本年召買之用外未買豆一十八萬一千八百石以上各項雖叅錯零星俱本司任內經手之數今當差竣且時方清覈除通報各衙門外擬合呈堂等因到部查覈間又准督師尚書袁崇煥咨前事內開本官當內外交匱之時兵卒

憑陵之日多方設處事集心勞追感還電奉
美玉良金品格功高絕塞望協銓曹相應紀擢
以勵邊臣者也又准薊遼保定總督喻安性咨
前事內開本官敏捷康莊策駿精明巨海然學
萬竈待炊綜理不遺毫末一塵不染操持可質
神明且適當缺餉之時竭盡調停之法合行優
敘以勵賢能又准天津督餉部院崔爾進咨前
事內開遼左用兵爲日已久四海困於徵賦百
姓竭其脂膏民力日殫

國帑日匱非得精明敏練剔厘樽節之司屬烏能
有濟今本官碩品凌霄挿漢閑摹浴日澄波簾
畫阜坻京一片冰壺在握恩膏洽徼塞于屯膏
兩其薦名世真才濟時偉績其支放本折樽節
羨餘錙銖不爽皆堪實用當此三空四盡之時
本官猶能多方樽節至十四萬六千餘金倘各
鎮在在皆然又何虞餉之不足哉茲當差滿回
部之日政其課績論功之時擬合咨敘各等因
到部通送到司案呈到部該臣等看得司餉一

官雖係曹署然以筭百萬金錢之出入司
戰士之命脉任綦重而責亦匪輕況山海司餉
年來當瑄燄薰灼兵卒憑陵之會自非才品兼
優者處此固未易調停曲當而本折無混淆也
案查該差歷來俱係主事並無加銜之例惟緣
寧錦有事之後該本部念該差繁劇不減寧遠
特請加郎中職銜以重其事因事擬銜非因人
請益也彼時本官以入署數日不願破例加銜
惟求退居主事至今案墨爲章及蒞任時正值

內鎮當關猶然清查馬騾節省草豆銀八萬六千有奇曾經臣部題敘乃積日累月更餘出採青犢賞銀二萬一千餘兩未買草價銀二萬五千五百二十餘兩通共節省銀一十四萬六千七百七十餘兩又放剩芻豆三十九萬有奇一鎰一銖悉佐

公家一粒一束都成實用且值兵驕餉訖之時克奏士飽馬騰之績鴻材卓品固

聖世之所倚賴而臣部之所樂道者今當差竣合應

從優紀錄仍以主事職銜准其回部以成
之操可也既各咨敘前來相應題

請恭候

命下臣部移文吏部遵奉施行

崇禎元年十二月初五日具

題本月初八日奉

聖旨王建侯司餉一年節省如許可見從前冒破者
多該部還嚴加申飭通行各餉司俱務洗滌一懲
曩來弊習王建侯從優擢用該部知道欽此

乞勅覆議再減東江額餉疏

題爲東江之額餉雖裁輿論之僉同未協事關重大伏乞

聖明勅下覆議以求至當以裕

國計事專理新餉山東清吏司案呈爲照東江兵餉冒濫舉

朝皆爲不平幸而覈兵可以節餉此正人人矚目之時也本司不敢輒爲案呈請堂移會兵部督師兵科戶科餉院以期輿論僉同科院議兵旣五

分之一則餉亦宜五分之一太將本折二
足矣督師則謂東江干榆關爲犄角之勢率制
出奇互相爲用議每年該兵餉銀四十七萬零
四百兩米一十六萬八千石兵部則照督師議
先本部具覆遂奉

旨東江餉額照督師議行矣本司屢請堂裁減之又
減蒙定每年兵餉官廩運價布價等銀二十八
萬二千七百兩米一十六萬八千石業已覆奏
俞旨矣堂諭督師資其犄角之勢未便過加裁減誠

爲封疆至計第聞輿論多有未協食云冒濫如
初本司職係承行何能嘿嘿處此伏乞酌賜覆
題以歸末安軍

國至計亮不厭詳慎也案呈到部該臣看得臣部
之窘乏至今日而極矣東江之冒濫人人而知
之也臣豈不願多裁島嶼之浮費以佐三韓之
急需乃督師定額每年本折六十三萬八千四
百之數而兵部先臣具覆已蒙

皇上俞允臣實司餉甘苦自知勢有難于強從者于

是因督師之原議兼省之同心議每歲需餉四十萬三千二百之數初謂恢復之計

朝廷既已望之督師而犄角之勢督師復云責之督師臣部遂避掣肘之嫌不敢過爲裁減迨臣興覆得

旨之後竊聞在

朝輿論尚有以臣所定之數爲浮濫者夫島兵既定十二萬八千例當計口而授食督師原議每歲一月該銀一兩四錢米一斛歲該銀四十七萬

零四百兩米一十六萬八千石而運米之水鄉
買米之價值不與焉若再加打筭當更侈矣臣
部以海外險遠本色爲急故米數照前而折色
則改一兩四錢爲七錢僅給其半耳其該銀二
十三萬五千二百兩至于運價米價戶部不得
獨遺又照歷年成規議增津門運價三萬二千
八百兩布疋花紅蓆片銀四千七百兩議增登
萊米價運價銀六萬七千七百六十兩量給官
俸銀一萬兩其到鮮者實止銀二十四萬五千

二萬兩米一十六萬八千石者夫運糧
皆轉輸本色之所必需津米猶恃截漕歸來
非用銀召買何從得米是米卽銀之所屑
重復作數者也祇緣

聖旨有每歲該銀三十五萬四百六十兩米一十六
萬八千石之語而人或未細閱全疏徑以銀米
疊并而論則取數愈涉于多矣惟是總兵毛文
龍舉動近多不厭人情而二萬八千之兵或猶
以爲不盡克盈者臣部前此覆議必欲計口授

食殆猶局曲之爲見也事苟利于公家當不厭其詳慎且忠

君愛

國人有同然督師擬以厚糈鼓率制之氣此心也
舉

朝欲以樽節濟匱乏之時此心也臣等外而曲體督
師之意內而期符大同之口亦此心也且事關
軍國寧慎于始無悔于終急求妥酌于此時似
尚未晚伏乞

皇上敕下臣部移會督師再爲商確定額
科道從公覆議東江兵餉的該若干或再減
數千二萬八千之中或再減月餉于一兩三錢
之內務求節省以快輿情而垂永制庶對經
度支并受其福矣

崇禎元年十二月初六具

題本月十一日奉

聖旨據奏登萊召買米八萬八千石卽在米價
每歲東江實該兵餉官廩運價和價等銀一

萬二千七百兩津登米共十六萬八千石毛文龍
果能扼要搗虛著有實蹟朕何靳此錢粟以養戰
士且策後效不必會議再減該衙門知道欽此

題覆工部郎中吳炳稅契充餉疏

題爲應詔陳言以襄

洪業以濟實用事專理新餉山東清吏司案呈崇禎
元年十月二十九日奉本部送戶科抄出工部
都水清吏司署郎中事主事吳炳題前事等因
本年十月二十二日奉

聖旨各邊管餉有餉司覈發有道臣只在該省撫按
嚴加查訪剋剝餉銀的立行奏處不必另遣部司
賦役存留錢糧堪節省的該撫臣備查具奏稅契

係

租制且貧富畫一並非屬民戶部卽設法奏請特
申飭務在必行納銀改輸粟不便稽查且徐議
政已有屢旨挾字錯寫缺字改正行該部知道
欽此欽遵抄出到部送司案呈到部除賦役存留
錢糧另行具覆外該臣等看得

國家徵賦之法取於窮民者難取於富民者易
行新法者難率繇舊章者易夫民間置買田
非家道殷實者乎買產稅契非載在律令者

况舊例每兩三分而臣部止定二分無非設此
寬政以示招徠且改五年小造十年大造爲遂
年一造之例正以過割速則徵納亦速不虞省
直奉行之不力也小民固希圖隱匿而有司更
借充囊橐鄉紳多妄徼恩澤而有司又曲徇情
面倘官民俱肯急公儘無難於盈額如部臣吳
炳所云魯一舉行輒得數萬者其明驗也臣等
謹遵設法奏請之

旨謬爲提綱挈領之法竊謂糧隨戶納田土旣已過

割則糧必隨之州縣正官宜將徵糧赤曆存
收貯在官持爲左券必納稅者方許過割每歲
推收完日新舊磨對稽查如糧已收戶產已過
割而稅契簿內無名者其爲隱匿可知卽當照
大明律笞罰仍追田宅價錢一半入官毋憚勢豪毋
爲姑息小民誰肯惜小費而拋重貲則稅契銀
兩可不動聲色而自無遺漏也但恐州縣政務
煩冗正官無暇料理及此徒聽里書猾胥夤緣
作弊終於私推私收不見不聞則又有定額之

法在臣前於遼餉不敷疏內言之頗悉期於便
封納而清花詭已行各該省直查取定額大都
州縣上等一年可得二千兩中等可得一千二
百兩下等可得六百兩待省直報額後每至年
終同各雜項查其完欠分數與正項加派一體
叅罰庶人心知儆不視爲可急可緩之物而於
遼餉大有裨矣旣經具題前來相應覆

請恭候

諭下臣部移文各省直撫按轉行各府州縣一體遵

奉施行

崇禎元年十二月十二日具

題本月十五日奉

聖旨稅契原係

祖制且不厲民着行省直撫按嚴飭各州縣歲終完
欠分數與正項一體叅罰該衙門知道欽此

題覆臺臣劉學詩劉調羨免泲核餉疏

題爲仰體

聖衷憂民之切敬陳救時當務之急專節冗以抵加
泲豫

恩詔以固民心事專理新餉山東清吏司案呈崇禎
元年十一月二十三日奉本部送戶科抄出候
補北道御史劉學詩題前事等因本年十一月
二十一日奉

聖旨當今最苦莫過小民朕每念及民窮中夜惻然

而邊疆事故中外交受一切強弱未可遽論
節浮汰冗剔蠹釐奸醇醇興諸臣共勉正期
國用稍裕各墳徵輸以次蘇息建疏深得朕心
遼事未平預免加派恐難懸定且決恢復有藉
漸減免布告百姓使明知朕意占冒自首撫按
酌量行該部知道欽此案查先奉本部送戶科
出湖廣道御史劉調羹題爲邊疆防禦正意
兵激變可虞敬抒愚一得仰佐

廟筭萬全事等因素

聖旨清兵在嚴操練核餉在察貪官與邊臣擇人
任俱平實正論但內外空支相應終無奏効之且
今後部院督撫奉行不力者該科各循職堂據事
據人覈奏該衙門知道欽此欽遵通抄到部送司
除事關兵部聽該部酌覆外其議免加派清核
兵餉等項相應類覆案呈到部該臣等看得如
派之困民繇於兵戈之弗息而餽餉之匱乏耗
於漏卮之漸多兩臺臣各據所懷皆匡時之石
也遼事未平加派停免類難懸定已在

明倫彙編中易容臣等至於節用之法尤以爲最要者
免加派之地誠今日所宜實實舉行者若夫
兵之法第在亟行操練核餉之法亦惟亟核糧
領蓋技勇較則虛糜者自無所容貪黷除則待
哺者實有所濟未有兵不强而餉不足者也

讀

明旨所云念其窮民中夜惻然且冀恢復有緒逐漸

減免

天語諄至照及幽遐寰宇聞之當不知何如歡躍

委應布告百姓以宣

皇上覆載之仁者也既經具題前來相應覆

請恭候

命下臣部移文各該衙門一體遵奉仍行各省直巡撫并各都察院轉行各巡按備行各屬布告施行

崇禎元年十二月廿四日具

題本月十七日奉

聖旨是欽此

題覆錢法孫侍郎條議錢法疏

題爲邊儲告急錢法日壅謹抒一得以廣利源以裨

國計事專理新餉山東清吏司案呈崇禎元年十一月二十七日奉本部送戶科抄出督理京省錢法戶部左侍郎管右侍郎事孫居相題前事等因本年十一月二十二日奉

聖旨朕前頒諭旨爲徵收錢糧用錢不許藉口選擇分外加耗若私錢濫惡明犯國制豈得不行選擇

已屢旨嚴禁私鑄還遵律文懸示告捕賞格及
老隣佑不舉連坐之法務在必行無得徇縱外府
錢不許內販行五城各門及畿輔撫按嚴加申飭
權輕重議市銅酌開採三款該部詳議妥當具奏
欽此欽遵抄出到部送司案呈到部爲照圖府
之設生息原自無窮而無如僞鑄之溷真也私
販之妨公也錢體重而息益微也市本日縮而
銅鉛且日涌也鑄務其漸湮矣今臣同官錢法
侍郎孫居相厯念邊儲留心職掌條議入

告除禁私鑄私販奉有

明旨申飭省直撫按自能奉行無容覆議外其權輕
重議市銅酌開採三款臣謹以其所臚列者詳
議上

聞

計開

一權輕重以從民便

前件看得

歷代錢制屢更屢易而相傳以五銖之錢最爲得中

督臣議斟酌於輕重之間仍以一錢二分五厘爲准獲利旣奢民用亦便委屬可行但本質稍輕須工作之精好五厘旣減應分兩之眞足是在司局者加之意耳至於季進

制錢雖云

上用然頒賞於下此錢終亦流布民間若每錢加重五厘則人情以輕重生去取反爲未便合無亦以一錢二分五厘爲准以

昭畫一如謂

上用不可下同於民錢卽量加五厘亦無不可總候
宏議而非臣等所敢擅擬也

一議市銅以資接濟

前件看得鼓鑄原資於物料故銅鉛每
虞其不繼今銅差已輟先該臣題將
各關稅銀暫解充餉然亦未行催解
正遲之以俟督臣到任後酌一長策
耳今督臣恐物料無出用盡見在之

銅必致停爐以待議領崇文門一萬
兩河西務舊課銀五千兩臨清鈔關
舊課銀二萬兩九江鈔關舊課銀一
萬兩新課銀一萬兩淮安鈔關舊課
銀一萬兩新課銀六千五百兩揚州
鈔關舊課銀五千兩新課銀六千兩
北新鈔關舊課銀一萬五千兩新課
銀一萬二千五百兩許墅鈔關舊課
銀二萬兩新增銀二萬兩着令該關

照舊採買銅鉛五七四三配搭按季解進具占綢繆蚤計但各關湏留心催趲設法稽查將應解之銀分作四季發買而春季所發之銀卽於夏季交銅到局夏季所發之銀卽於秋季交銅到局無使奸商猾胥藉以周廻射利庶本料源源而來錢息亦生生不息矣若崇文門一萬兩逕解局內爲零買古錢雜銅之用一年旣可以

三轉一萬便足抵三萬利莫大焉
何憚而不行但須令司鑄者將此項
銀另欸登荅期果獲三倍之息以無
負督臣調劑之苦心可耳

一議採鉛以減商價

前件看得天地之利貴自然故陽山鉛
穴夙稱利藪陽城濟源盧甘叢生迭
閉陽山而鉛價涌矣則照舊開採以
資泉府亟宜移會廣東撫按詳議酌

行者也至盧甘石產於山西之陽城
河南之濟源其爲物多其用價省
查崇禎元年八月內協佐錢法郎中
苗自成呈稱本堂批據爐總周洪道
申桂芳採辦前來該局已經親試每
紅銅二十斤配加盧甘石六十斤融
化成銅得二十五斤而盧甘石之價
每百斤不過四錢則求其可以減商
價倍錢息莫利於此至於採買石本

能動崇文縣知縣彭某等
爲流轉但石沉道遠定須并無阻
庶幾腳價畧省其採買員役或即
爐總或遴選殷實俱在督臣隨時
定務期有成又查盧甘之價有言
斤不必四錢者恐爐總之言未可輕
信而事在彼中又難遥度合無容
等移咨山西河南撫臣行文各該
方有司照依民間時價酌議每盧

石百斤可值銀若干可抵窩鉛若干
之用復咨前來庶便銷筭價值以上
三款審輕重以規于母定銅本以專
責成衡採鉛以饒生息俱救時之急
着均當如議亟行以廣利源以裨

國計者也既經具題前來相應覆

請恭候

命下臣部移文各該衙門遵奉施行

崇禎元年十二月十八日具

題本月二十一日奉

聖旨制錢上下畫一以一錢二分五厘爲准務要
郭周正磨鑄精澤與私鑄迥然不侔自無揶和之
弊該管官不得苟且塞責鑄本按季發銀卽挨季
交銅說得是但發銀在各關交銅在錢局事非一
手恐仍滋奸竇何如收銀到部局發局交更便查
核該部再行確議具奏崇文課鑄另款登答及採
辦鉛石如議行欽此

查議遼東舊餉京民二運疏

題爲通查遼左缺餉之因畧陳兵馬可裁之狀仰
祈

聖鑒用備永圖事專理新餉山東清吏司案呈崇禎
元年十一月初七日奉本部送戶科抄出本部
尚書畢自嚴題前事等因本年十一月初四日
奉

聖旨關門內外餉額年來增減數目及加派雜項銀
兩免留項數知道了這餉額歲該五百二十餘萬

歲入僅三百九十萬出洋外入與何以支數
解已有屢旨縮兵就餉二議俱是第恐地方要
不同其薊密永津及恒山等處新兵應否宜裁
門馬匹應否宜減還着督師袁崇煥及督撫衙門
酌妥具奏又卿昨疏稱王之臣關外舊兵六萬續
增九千八十員名何與今數不同織造既停稅契
銀何歸遼左全用新餉向日舊餉何在俱明白奏
來欽此遵行間隨該督師尚書袁崇煥題同前議

等因奉

聖旨磁交恒山新兵宜汰知道了按月徐汰該部覆
議具奏欽此又該督師尚書袁崇煥題爲遵

旨回奏事等因奉

聖旨這奏自二年正月爲始關外官兵七萬一千餘
員名關內四萬二百餘員名戶部照此數發餉戶
兵二部知道欽此欽遵通抄到部通送到司案呈
到部該臣等看得餉以餉兵計兵授餉司餉固
當知兵然兵憑冊報據冊披陳數目未免互異
臣前疏稱關外舊兵六萬續增九千八十員名

此據前任督師王之臣咨報之數也今稱
兵丁七萬八千二百四十員名則又據近日督
師袁崇煥餉銀允發疏內開報之數也今督師
已有確數奏

聞無容臣贅若磁堯恒山三處之新兵調之赴遼各
兵未免戀土聽其坐食錢糧何事虛糜督師議
令各管兵官按月徐汰此誠散伍歸農祛虛就
實之法所當亟行該撫預爲酌奏刻期澄汰者
也至於遼左舊餉臣行新舊兩餉司會查原額

民運該銀一十九萬九千三百三十五兩一錢
三分內運司民運銀連滴珠一萬四千四十四
兩二錢三分旅順兵餉銀九千六百四十兩俱
改解新庫充餉永平民運銀九百三十四兩四
錢改解山海關抵充月餉山東布政司民運銀
一十三萬三千三百九十兩五錢留抵登兵新
餉又遼鎮引價銀四萬一千三百二十六兩近
准各商辦納虎灤紗花撫賞而去來任商之便
年來尚未能全完此遼東民運舊餉之大較也

原額京運該銀五十一萬五千六百一十兩
三錢零查得虎墩紗花等夷撫賞額用一十萬
萬六千六十二兩五錢每年儘引價多寡辦補
外其未足者劄舊庫扣數補之又提塘月糧銀
三千六百八十兩皆發自舊庫此遼東京運舊
餉之大較也天啓四年六月內督餉臺臣林有
臺曾爲具疏清算天啓六年四月內奉

旨會議遼餉缺額亦言舊餉應歸新餉去歲督餉

臣劉重慶亦疏

請改正幫支名色而欲索舊庫之鏹以飽榆關之軍
終有所未能則各邊均屬匱乏故也及查年來
北直召買有用京邊舊餉者累云以新餉補還
而皆未還亦以有遼東之額餉在耳至於兌支
銷筭之法始自天啓六年臣部議舊庫應補新
庫舊額遼餉令各屬動支京邊銀兩糴買本色
買完之日舊庫准作實收卽以抵應還新庫額
數批文到日照例給與應得通關去歲因奸璫
徐文輔把持庫藏圖射利於一出入之間於

是有禁止兌支之

請幾悞運務隨經臣部准餉院劉重慶議仍照大正
年題

准事例令各州縣召買糴本先儘雜項雜項不足動
支京邊以佐之聽其年終銷筭詳在凋察之東
民宜憫疏中此本色動支舊餉之原委也初議
兌支之後給與通關豈不謂新舊庫皆隸臣衙
門原無彼此且以遼左之原額爲遼左之兵衛
自無爭執而不知有大不便者京邊亦甚缺額

舊庫豈肯爲遼左之召買慷慨開銷且以召買之空批索舊庫之實收更經科院掛號亦於情理未協於是舊庫難之而召買地方有錢糧已准兌完經年不得銷筭者則前此立法之未善也臣夙聞此狀已於初入署時具有遼餉不敷一疏內云既有遼左舊餉則召買銀兩似當徑爲開銷蓋已有見於此臣愚以爲遼事一日未寧召買一日未歇准其動用京邊以抵遼左應支之舊餉甚爲妥便第數目不定則新舊年年

相爭酌中取裁每年提塘月糧已經督師裁
止用銀二千五百餘兩遇閏加銀二百一十兩
零撫賞銀兩應卽照一十一萬六千六十二兩
五錢之數全支於舊庫遼東引價客臣設法督
徵以湊遼東實額無使增減不一致費稽查每
年召買本色動用京邊定以二十萬爲額縮於
此數則舊庫議補浮於此數則新庫議還各州
縣買完之後令其卽於新餉司銷筭掣批移付
邊餉司福建司註完免其以空批索通關致阻

緒互混且守候耽延至於崇禎元年以前事經
已往難議筭補凡經買完者槩准掣批銷美可
也此外仍有舊餉近三十萬取足舊餉正堪填
湊無奈瓶罄壘耻在在同然諸塞咸切待哺京
邊亦未全完必欲緩力邊以獨急三韓勢固有
所不能耳茲因奉有明白

奏來之

旨敢據實具奏確議以

聞臣不勝悚仄待

命之主

崇禎元年十二月十八日具

題本月二十一日奉

聖旨這查奏遼東舊餉京民二運數目知道了召買
本色如議每歲動支舊餉銀二十萬兩新舊二庫
銷筭明白峽一二年後各邊外解稍充此七十二
萬餘兩舊額仍充遼餉以加派補之不得移日
久致混亂無稽引價商人領辦撫賞的該衙門
限查催奏報餘俱有旨了該衙門知道欽此

請寬原用崔犯變產銀項免還工部疏

題爲虜患切膚軍器難緩敬循職掌預鳴苦情仰
祈

聖鑒事專理新餉司邊餉司案呈崇禎元年十一月
十五日奉本部送戶科抄出工部尚書李長庚
題前事等因本年十一月初十日奉

聖旨這所奏原派二十萬及崔犯變產等銀戶部卽
與酌議通融分額不得爭執該衙門知道欽此欽
遵抄出到部又准巡視廠庫科院手本移催前

事等因到部通抄到司案呈到部該臣等看
分餉一節案查萬曆四十八年於每畝九厘
內議分五毫爲工部器械之用共二十萬及天
啓二年七月內因餉額不敷該臣部前任尚書
汪應蛟題奉

明旨歸并臣部天啓四年復經部科會議疏云嗣後
再有別端工部不宜復言地畝至天啓六七兩
年工部以器械硝黃告急復索分餉於臣部臣
部不得已暫借老庫并撥新餉銀兩年各一十

四萬兩以應之然於七年疏末申明部科會議歸并之案以杜日後之求固未嘗不詳且懇也崇禎元年工部復疏索取分餉蒙

皇上勅令部科議妥具奏隨該臣部會同工部并戶科都給事中段國璋工科都給事中張惟一簡查舊案面相商確每年議撥新餉銀九萬兩坐定河南山西陝西各二萬江西三萬俱徑解工部以爲器械之用蓋經兩部面議兩科折衷而後具疏業奉

俞旨欽遵在案今工臣復有分餉二十萬之請
科之會議不足憑新奉之

明旨不足信乎若然則臣部亦可執歸并之原議并
九萬而靳之矣至於崔犯變產銀三萬九千餘
兩原因該鎮呈稱崔呈秀變產銀兩向係充軍
餉之數請准就便動支此正臣部四五月間衆
兵嗷嗷朝不保暮之時遂允其請於是昌鎮分
用銀五千兩撫院取赴軍前用銀一千二百兩
薊鎮舊兵用銀五千兩新兵用銀二萬八千二

百五十六兩有零抵克月餉矣茲奉

明旨命臣部酌議通融分額臣部何敢有違第查工部歷年取用於臣部者亦甚奢也如

大工錢糧非工部之職掌乎運庫存貯非臣部之邊餉乎前因

大工搜括兩淮運庫銀八十餘萬致那臣部額課以徇至今歲額虧通終無完日邊餉不敷臣部益窘伊誰之貽不特此也臣部又爲工部議增鹽課助工每年計銀一十四萬五千九百六十五

兩自天啓六七兩年以及崇禎元年共銀價銀
三萬七千八百九十五兩此非臣部代爲工部
設處者乎前吉司商人納過引價餘鹽銀五萬
一千兩以助

大工見有監督并繕司印信實收手本移會臣部後
鹽引不行商資無着臣部准以淮課抵還此非
臣部代爲工部償債者乎織造

袍價例應工部措處天啓五年織監李實每年題
動兩淮鹽課三萬兩兩浙二萬兩共用過一十

四萬兩此外動支稅契銀兩不與焉豈非臣部代爲工部支給者乎臣部近又奉

旨將應分事例銀一萬六千二百七十五兩餘借爲工部靴料之用矣若平心而論工部似不應較量於三萬九千之間也同爲臣子誼當協恭不敢過爲爭執但時屆歲暮開鎮幕然索餉之牘紛然並至概以脫巾呼庚爲言臣部正不知何以度歲未卜得自逭於譴責斧鉞否倘蒙

皇上俯念度支之苦免其分額實屬厚幸卽不然割

前項之半以與之亦須俟臣部外解充裕之時
若責備於目前審時量力誠萬有所不能也伏
乞

聖明裁示施行臣等無任悚亥待
命之至

崇禎元年十二月十九日具

題本月二十二日奉

聖旨知道了工部知道欽此

題覆畿南派買米豆減數增給疏

題爲畿南疊罹異常災祲殘黎貼危可憫懇乞

聖明速賜破格勘救以弭亂萌以安重地事專理新
餉山東清吏司案呈崇禎元年十二月初九日
奉本部送戶科抄出保定巡撫解經傳題前事
等因本年十二月初六日奉

聖旨畿南根本重地罹此災傷朕殊用軫念其一切
拯恤解經傳加意料理遼米豆改折量買該部看
議具覆欽此欽遵抄出到部送司除拯恤災民行

各巡按御史勘實具奏外量買米豆相應擬
案呈到部該臣等看得關門士馬騰飽全資木
色故明年應用之米豆臣部卽預計於今歲之
秋派有定額買有專責無容他誘近以畿南告
困臣已減派米豆一十八萬六千五百八十石
矣今該撫復請減買於預計額定之後臣正瞻
睹籌度間忽接餉臣崔爾進手扎內稱明歲米
豆顆粒俱無廬鳳等府遠在數千里之外所恃
濟燃眉之急者止近畿之州邑是賴若并求量

買則空手應十餘萬之餉固有不知死所然天下事不知所終矣况題定之數各府州縣皆已欣然承認遂有分派文冊具在也今若更改則處處推諉必致脫巾爲變且柰何哉等語到臣臣讀之而知撫臣與餉臣之爲軍民計者各真且切也撫臣慮根本不得不已減買惠災黎餉臣重封疆不得不以缺欠籌本色顧軍民一體養民方可以養軍惟是師旅正亟饑饉漸臻臣部不能方圓並盡實處兩難之地耳姑於萬不

得已之中爲目前救災之舉該撫屬所派之米
除廣大兩府被災稍輕不減外真定府原派買
米三萬三千石今量減一萬三千石止買二萬
石順德府原派買米一萬二千石今量減五千
石止買七千石保定府原派買米二萬八千石
今量減一萬一千石止買一萬七千石河間府
原派買米二萬五千四百二十石今量減一萬
一千石止買一萬四千四百二十石以上共減
額米四萬石所派之豆額數已定萬難議減惟

於每石原定價值五錢五分之外量加五分原
派畿南六府買豆一十七萬五千石每石增銀
五分其增價銀八千七百五十兩則畿南百姓
既蠲加派之苦復減召買之累邀惠於

皇上亦已逾於格外矣原減米石查得鮮運截漕十
萬近例止運八萬減存米二萬石可卽抵補畿
南二萬之數仍欠二萬合派天津倉代買一萬
石通州倉代買一萬石蓋津通兩地皆有本色
軍儲從來各軍到倉每多以等賣銀但在該倉

稍一通融臣部給發新餉兼放一兩月折色銀
可那本色以解開門原不必粒粒而鬻之市也
如各軍中有不願得折色者則有委官買籌之
例在矣津門就便登舟無容再計通州於漕糧
完日量借剥船轉運抵津此臣昔在津門行之
而有効者縱多買一二萬亦似無難總之每米
一石猶儉於一兩之內不慮厚費亦不至擾民
者也臣昔以獨力行之頗費周折今臣願與津
門督臣協力行之檄令兩倉商確熟計其便否

期克濟餉運別無滯礙可也其餘派買米豆畿
南各屬急宜趁時買完運交津部無悞急需違
者以三尺繩其後其各省直召買米豆亦不得
效尤觀望致悞封疆大事統乞

天語申飭施行

崇禎元年十二月二十日具

題本月二十五日奉

聖旨畿南派買米豆減數增價用惜災傷各省直不
得觀望鮮運減存漕糧併通津分派代買補原減

四萬額數俱依擬仍通行各派買地方官俱着如期完運如悞軍需重處不饒欽此